

ପିତରଙ୍କ ଦ୍ୱିତୀୟ ପତ୍ର ପିତରନେ ୨ ଉଲିଆଃ ପିତର ବଇ ବିସୟରେ ଉଃଡ଼ିକ୍ଲିଗ୍ ସାମୁଆଁ

ପିତରନେ ଦୁତିୟ ଉଲିଆଃ ବାସଙ୍ଗତିଂକେ ଜେ ଆକେନ୍ ଉଲିଆଃ ବେବକ୍ଲେ ପିତରନେ ବାନ୍ ଗୁଆର୍ ତିଂଲେଃକେ । ମାତର୍ ଏଃକେ ଗୁଲେ ପଣ୍ଡିତ୍ତ୍ତ୍ ଆକେନ୍ ସଡ଼ ଶୁଭାଗ୍ରେ ବାସଙ୍ଗ ତିଂଆର୍କେ । ତିଂଲେଃଏ ଆକେନ୍ ବାର୍ମୁଇଂ ପିତରନେ ବାଦୁଲ୍ ଗୁଆର୍ବକେ । ଗୁଆର୍ଶ୍ରେ ବାସଙ୍ଗତିଂକେ ଜେ ମେଁ ଜିସୁ କିସ୍ଟନେ କେକ୍ଲେ ମୁଆଃନିଆ ସାକି ଲେଃକେ । ନିମାଣ୍ଡା ବାବ୍ରେ ଜିସୁନେ ବଦଲେ ବିସୟରେ ବାସଙ୍ଗତିଂକେ ୧:୧୭-୧୮ । ଜଦି ପିତର ଆକେନ୍ ଉଲିଆଃ ଗୁଆର୍କେ ତିଂଲେଃଏ କିସ୍ଟନେ ଜନମ୍ ଇଡ଼ିଂ ୫୭-୬୯ ବିତ୍ରେ ମେଁ ଗୁଏଃନେ ସିସେବାନ୍ ଆକେନ୍ ଗୁଆର୍ବକେ । ପିତର ଶ୍ରିଗ୍ ଆକେନ୍ ମେଁନେ ୨ ଉଲିଆଃ ଡାଗ୍ରେ ବାସଙ୍ଗତିଂକେ ୩:୧ । ପିତରନେ ପର୍ତୁଗ୍ ଉଲିଆଃ ଗୁଆର୍କେ ଇଡ଼ିଂ ଆତେନ୍ ଗୁଆର୍ବନେ ବେଲା ଚାନ୍ ବିଃଟେ ଆକେନ୍କେ ଦୁତିୟ ଉଲିଆଃ ଡାଗ୍ରେ ବାସଙ୍ଗତିଂକେ ।

ମେଁ ସର୍ତ୍ତେ କିସ୍ଟିୟାନ୍‌ଇଂକେ ଆକେନ୍ ଉଲିଆଃନିଆ ଇନି ଆଃମ୍ୟାଡ଼ିଂକେ । ପିତର ବିସ୍ବାସିଇଂକେ ସାଆସ୍ ବିଃନେ ଆରି ନିମାଣ୍ଡା ବୁଆ ଡିକେଃନେ ନ୍ସା ବାରି ବଣ୍ଡ ବାବବାଦିଇଂନେ ସାମୁଆଁ ମାମାନେଃନେ ନ୍ସା ତରକ୍ ଆଃଡ଼ିଂନେ ନ୍ସା ଆକେନ୍ ଉଲିଆଃ ଗୁଆର୍ଡ଼ିଂକେ ୨ । ଜିସୁ ପାଙ୍ଗନେ ନ୍ସା ଜାବର୍ ବେଲା ଭୁଙ୍ଗଡ଼ିଂକେ ଡାଗ୍ରେ ବାସଙ୍ଗତିଂକେ ରେମୁଆଁଇଂକେ ଶୁଭାଗ୍ରେ ନ୍ସା ସାଆସ୍ ବିଃଡ଼ିଂକେ । ଇସ୍ପର୍ ଲେଃଗା ଶୁମ୍ମାତର୍ ସାପାରେ ଉଦାର୍ ବାଆର୍ଏ ଆକେନ୍ ଇସ୍ପର୍ ଇକ୍ଟା ତିଂଡ଼ିଂକେ ୨ ପିତର ୩:୮-୯ । ଆକେନ୍ ମୁଇଂ ନିମାଣ୍ଡା ଜିବନ୍ନେ କାରନ୍ ୨ ପିତର ୩:୧୪ ।

ସାସ୍ତ୍ର ବିତ୍ରେ ଲେଃକେ ସାମୁଆଁଇଂ

୧. ପିତର ମୋଁ ନିଜର ପରିଚୟ ବିଷୟରେ ବାରି ମୋଁନେ ପଡ଼େଣ୍ଡେଇଁକେ ଚିକନା ବିଷୟରେ । ୧:୧-୨
୨. ତେନ୍ ଇତିଂ ବିସ୍ବାସିଇଁକେ ନିମାଣ୍ଡା ବୁଆ ତିକେଃ ନସା ମନେ ଏତେ ବିଷୟରେ ଡାଗ୍ଲା ଇସ୍ପର୍ ଆନେଃକେ ସାଆଜ୍ୟ ତିଂତିଂକେ । ୧:୩-୨୧
୩. ମୋଁ ବଣ୍ଡ ବାବଦିଇଁକେ ତରକ୍ ଆଃତିଂରେ ସାରାସାରି ବେଲା ମେଇଁନେ ଆଡ଼ାଡ଼ା ମେଃନେ ଗଟେଏ ଆତେନ୍ ବାସଙ୍ଗିଂକେ । ୨:୧-୨୨
୪. ପିତର ଜିସୁ କିସ୍ଟନେ ବାଃମୁଇଁତର ପାଙ୍ଗନେ ନସା ତିଆର୍ ତିଂରେ ନିମାଣ୍ଡା ବୁଆ ତିକେଃନସା ସାଆସ୍ ବିଷୟରେ । ୩:୧-୧୭

୧ ଜାଣ୍ଡେଃକେ ନେନେ ଇସ୍ପର୍ ଆରି ଆମ୍ବ୍ ଶ୍ରେ ଜିସୁ କିସ୍ଟନେ ଦରମ୍ ନସା ନେଃ ରକମ୍ ବିସ୍ବାସ୍ ସୁଗୁଆ ମାଲେ ଇନାମ୍ ବା ଲେଃଆରକେ ମେଇଁନେ ଡାଗ୍ଲା ଜିସୁ କିସ୍ଟନେ ସେବକ ଆରି ବେକ୍ଲେ ସିସ୍ ଶିମୋନ ପିତରନେ ଉଲିଆ ।

୨ ଇସ୍ପର୍ ଆରି ନେଃ ମାପୁରୁ ଜିସୁ କିସ୍ଟନେ ବିସୟରେ ପେନେ ବୁଦି ବାନ୍ ପୁରୁନ୍ ବାବରେ ପେନେ ଅନୁଗ୍ରଥ ଆରି ସାନ୍ତି ତିଂଲେ ।

ଇସ୍ପର୍ ଖାନେ ଆରି ସିସ୍ ସିନେ

୩ ଚିକ୍ ବାବରେ ଦରମ୍ ଜିବନ୍ କାଟେ ନସା ନେଃନେ ମେଃ ମେଃନେ ଦରକାର୍ ଆତେନ୍ ଇସ୍ପର୍ ନିଜର ଇକ୍ତା ବପୁରେ ଆନେକେ ଦାନ୍ ତିଂବକେ । ଜା ନିଜର ମଇମା ଆରି ଦରମ୍ନିଆ କୁଡ଼େଃ ନସା ଆନେକେ ଖାବକେ ଆମେକେ ମ୍ୟାକ୍ଲେ ବାନ୍ ନେ ଆକେନ୍ ଦାନ୍ ବାନେଲେଃକେ ।

୪ ଦେକ୍ତରକମ୍ ମୋଁ ଆନେକେ ମୋଁନେ ପାର୍ମାନ୍ ଅନୁସାରେ ଜାବର ମ୍ ଆରି ଜବର ଦାନ୍ ବିଃବକେ । ଆକେନ୍ ସାପା ଦାନ୍ ଏତେ ପେଇଁ ଆକେନ୍ ମଞ୍ଚୁପୁରନେ ବିନାସ୍ ତିଂଶ୍ରେ ଦଦ୍ୟା କାମ୍ବାନ୍ ଉଦାର୍ ବାନ୍ସା ନିଜର ଇକ୍ତାରେ କୁଡ଼େଃପା ।

୫ ମେଇଁ ମ୍ୟାଃରେତେ ଆବଃବିଆର୍ଏ ଜେ ଅଃସେ ଇସ୍ପର୍ ବାସଙ୍ଗିବିଃକେ ଆରି କିତଂଇନି ଆରି ଦର୍ତ୍ତନି ଉବ୍ଜେ ଖେଗେ ! ଦର୍ତ୍ତନି ଶ୍ରିଆବାନ୍ ଆରି ଶ୍ରିଆ ନସା ଦର୍ତ୍ତନିକେ ଉବ୍ଜେକେ;

୬ ଆତାନ୍ ବାଞ୍ଜିର୍ ଦର୍ତ୍ତନି ମେସୁଃଆ ଝେଗୁର୍ ରୁଆଣ୍ଡିଆ ଏତେ ବୁଡ଼େ ତିଂଝେଗେ ।

୭ ଦରମ୍ କାମ୍ ଏତେ ବୟାଁ ଆଲାଦ୍ ଆରି ବୟାଁ ଆଲାଦ୍ ଏତେ ଆଲାଦ୍ ଆଃମିସୁ ନ୍‌ସା ନିଜେ ଚେସ୍‌ଟା ତିଂପା ।

୮ ଆକେନ୍ ସଡ଼୍ ଗୁନ୍‌ଇଂ ନାନେ ଦରକାର୍; ଆକେନ୍ ସାପାନ୍ନିଆ ପେ ପୁରନ୍ ପେଡିଂଲା ପେ ବାଲେଃଝେ ମାପରୁ ଜିସୁ କିସ୍‌ଟନେ ବୁଦି ଆନାକେ ଜିବନ୍ ଆରି ରୁରୁ ଆଃଡିଂଟେ ବଏ ।

୯ ମାତର ଆକେନ୍ ସାପା ଜାତାଗ୍ରା ଶୁମ୍‌ମେଁ ସୁନେ କିକେ ମାୟାତେ କାନା ତିଂଲେଃଝେ, ବାରି ନିଜର୍ ଅଃସେ ତିଂବକ୍ଲେ ପାପ୍‌ବାନ୍ ପବିତ୍ର ତିଂନେ ସାମୁଆଁ ଆବଃ ଝେଲେଃଝେ ।

୧୦ ଆତେନ୍‌ସା ଅ ବୟାଁଇଂ ଇସ୍‌ପର୍ ଜେ ଆପେକେ ଝାବକେ; ଆକେନ୍ ଚିନ୍ତାକେ କାଲାଆଃ ଆଃଲେନେ ନ୍‌ସା ମାଲେ ଜତନ୍ ତିଂପା । ତେକରକମ୍ ତିଂଲା ପେଇଂ ଅଃନାଡିଗ୍ ନାନେ ବିସ୍‌ବାସ୍‌ବାନ୍ ଟେପୁଃ ନାଲିଃଶୁ ।

୧୧ ଆକେନ୍ ଉପାୟରେ ନେ ମାପରୁ ଆରି ଆମ୍‌ଶ୍ଟ୍ରେ ଜିସୁ କିସ୍‌ଟନେ ମାତାନେ ରାଜ୍ୟନିଆ ଗିଃଗାଃନେ ନ୍‌ସା ନାଁ ସର୍ତ୍ତେ ଅଦିକାର୍ ବାପେଲେକେ ।

୧୨ ପେଇଂ ମାପରୁନେ ଦିନ୍ ପାଂ ନ୍‌ସା ପେ ସଡ଼୍ ବାବ୍‌ରେ ଉର୍ ଲେଃନେ ଦରକାର୍ । ଆତାନ୍ କାଲା ପାଙ୍ଗ୍‌ଲା ସୁଆ ଏତେ କିତଂଇନି ରୁର୍‌ମାର୍ ତିଂ ଝେଏ ଆରି କିତଂଇନି ଲେଃଝେ ସାପା ସିସେବାନ୍ ଲେଃଝେ ଜିନିସ୍‌ଇଂ ତାତିରେ ଏଡିଆ ଝେଏ ।

୧୩ ତାଗ୍ଲା କିତଂ ଆନେକେ ମୁଇଂ ସାମୁଆଁ ବିଃବକେ । ନେ ମୋଃନେ ବାସଙ୍ଗ୍‌କ୍ଲେ ଅନୁସାରେ ମୁଇଂ ମି କିତଂଇନି ଆରି ମି ଦର୍ତ୍ତନିନେ ଉର୍‌ନେଲେଃଝେ । ଆତେନ୍ ଦାମ୍ କିଂଇଂନେ ବାସାନେ ଜାଗା ତିଂଏ ।

୧୪ ନେ ମାପରୁ ଜିସୁ କ୍ରିସ୍‌ଟନେବାନ୍ ତିଆର୍ ତିଂକ୍ଲେ ସୁଟନା ବାନେଲେଃଝେ ଅନୁସାରେ ଗିଆଃ ଆକେନ୍ ଗୁଏକ୍ଲେ ଗାଗ୍‌ଡ଼େ ଡାନ୍ତାର୍‌ଏ ତାଗ୍‌ଟେ ନିଂ ମ୍ୟାକ୍ଲେଃଝେ ।

୧୫ ମାପରୁ ତାଗ୍‌ଲେଃଝେ ତାଗ୍‌ଟେ ନେ ରକ୍ୟା ନେବାକେ ଏନ୍ ମନେ ବପା । ଇସ୍‌ପର୍‌ନେ ବାଲେଃଝେ ବୁଦିନେ ବପୁରେ ନେନେ

ନିମାଣ୍ଡା ବୟାଁ ପାଉଲ୍ ଆପେକେ ଗୁଆରନେ ବେଲା ମେଃ ଆତାନ୍ ସାମୁଆଁ ବାସଂବଗେ ।

କ୍ରିଷ୍ଟନେ ମଇମା ନିଜର୍ ମୁଆଃନ୍ନିଆ କିକେଣ୍ଡେ

୧୭ ମାପରୁ ଜିସୁ କିସ୍ତନେ ଗୌରବ୍‌ମୟ ବାରମୁଇଂତର୍ ପାଙ୍ଗନେ ବିସଏରେ ଆପେକେ ଆଃମ୍ୟାନେ ନ୍‌ସା ନେ ଏତେକ୍ସେ ଉଃସ୍ତା ଆଡାଡା ଆସା ନେଡିଂକେ ଶୁ ୍ୁ ନେ ନିଜର୍ ମ୍‌ମୁଆଃନ୍ନିଆ ମେଁନେ ମଇମା କିକେ ନେଲେଃକେ ।

୧୮ ବାରି ଉଡିବେଲା ମ୍ଲଃ ଗୌରବ୍ ବାନ୍ ମେଁ ପାକା ଆକେନ୍ ସାମୁଆଁ ତିଂକେ, “ଏ ନେଙ୍ଗନେ ନିଜର୍ ଉଂଡେ ଆକ୍ସେଅରିଆ ନେନେ ଜାବର୍ ସାନ୍ତି କ୍ଲେଃକେ” ଆତେନ୍ ବେଲା ମେଁ ଆବା ଇସ୍ପର୍ବାନ୍ ବପୁ ବାରି ଗୌରବ୍ ବାକେ ।

୧୯ ନେ ମେଁନେ ଏଃଡେ ପବିତ୍ର କଣ୍ଡାନ୍ନିଆ ନେଲେଃକ୍ସେ କାଲା ନିଜେ କିତଂବାନ୍ ତାରକ୍ସେ ଆକେନ୍ ସାମୁଆଁ ନେଅଁକେ ।

୨୦ ତେସାଃ ବାବବାଦିଇଂନେ ବାନ୍ ପରତାର୍ ତିଂକ୍ସେ ସାମୁଆଁନ୍ନିଆ ନେନେ ବିସ୍‌ବାସ୍ ମାଲେ ତାର୍ ତିଂଲେଃକେ । ଆଡ଼ତାଗ୍ରା ପେଇଂ ତିଗ୍ ମନ୍ ବିଃନେ ଦରକାର୍, ତାଗ୍ଲା ଆତେନ୍ ତାଂକିଗ୍ନିଆ ମୁଇଂ କୁପିସ୍ ସୁଗୁଆ ଏତେତେ ମିଡିଗ୍ ମାତାରାଃ ଜାକ ଆରି ପେନେ ଉର୍ଦେନ୍ନିଆ ତାରାଃ ବେଲାନେ ଚାଙ୍ଗୁଆ ମାତାରନେ ଜାକ ଆତେନ୍ ଅରିଆ ମନ୍ ବିଃଲା ନିମାଣ୍ଡା ତିଂଏ ।

୨୧ ପେଇଂ ସାରାସାରି ଅଃକେନ୍ ତ ମ୍ୟାଃଲାଲାପା ଜେ ଦର୍ମସାସ୍ତ୍ରନ୍ନିଆ ଗୁଆରକ୍ସେ ମୁଃଡି ବାବବାଦି ଜାଡିଗ୍ ନିଜର୍ ବୁଦିରେ ବୁଜେ ଆୟା ଶୁ ୍ୁ ।

୨୨ ମୁଃଡି ବାବବାଦି ଅଃନାଡିଗ୍ ରେମୁଆଁନେ ଇକ୍ତାବାନ୍ ତାର୍ ଆଲେଃକେ ଶୁ ୍ୁ ମାତର୍ ଇସ୍ପର୍ବାନେ ବକ୍ସଇଂ ପବିତ୍ର ଆମ୍‌ାନେ ବାନ୍ ଅଲେଙ୍ଗ୍‌ତାଲିଆତେ ବାସଙ୍ଗ୍ ବଆରଗେ ।

୨

ମାପୁନେ ପାଂଡିଂକ୍ସେ ପରମାନ୍

୧ ଅଃସେ ତିଡି ରେମୁଆଁଇଂନେ ବିତ୍ରେ ବଣ୍ଡ ବାବବାଦିଇଂ ଶ୍ରିଗ୍ ତାର୍‌ଆରକେ; ତେଡ଼ରକମ୍ ପେନେ ବିତ୍ରେ ତିଗ୍ ବଣ୍ଡ ବାବବାଦିଇଂ

ଭାର୍ତ୍ତାୟ; ମେଇଂ ବିନାସ୍ ତିଂନେ ବେକାର୍ ସାମୁଆଁ ଲେଖଗା ବାସଙ୍ଗ୍ରେ ମେଇଂନେ ଆଃମ୍ବ୍ ରେମୁଆଁ ମାପ୍‌ରୁକେ ଆଃ ଗୁରନା ତିଂଆର୍‌ଏ ବାରି ମେଇଂ ମାରିଆଃତୁଗ୍ ବିନାସ୍ ତିଂଆର୍‌ଏ ।

୨ ଗ୍ଲୋଏ ଅଃସେ ପବିତ୍ର ବାବବାଦିଇଂ ଆଣ୍ଟିନେ ସାପା ଏତେନେ ସାମୁଆଁ ଆତର୍‌ସା ବଆଗେ ଆରି ରକ୍ୟା ତିଂଣ୍ଟେ ମାପ୍‌ରୁନେ ଆଣ୍ଟିନେ ସାପା ସତ୍ ସାମୁଆଁ ଆପେକେ ବେବଗ୍ରେ ସିସ୍‌ଇଂ ବିଃବଆଗେ, ଆତାନ୍ ଆପେକେ ମନେ ଗ୍ଲାଗ୍ ନ୍‌ସା ନେନେ ଇକ୍‌ଟା ।

୩ ସିସେ ପେଇଂ ମ୍ୟାଲେଃନେ ଦରକାର୍ ଜେ ଏନ୍ ଇତିଂତାମୁଏଃନେ ଉଡ଼ିକ୍ଲିଗ୍ ଚାଃ ନିଜର୍ ଇକ୍‌ଟାରେ ଦଦିଆ କାମ୍ ତିଂଚେ ତୁଆଡ଼ିକେଃଏ ।

୪ ଇସ୍‌ପର୍ ପାପ୍ ତିଂମ୍ୟାକ୍ଲେ ଦୁଡ଼ଇଂକେ କେମା ମାବିଃଚେ ପାତାଲ୍‌ନିଆ ଜଗ୍‌ଗ୍ଲାଗ୍ ବଗେ । ଆଡ଼ଅରିଆ ମେଇଂ ମ୍ଲା ବିଚାର୍ ଦିନ୍ ଜାକ ତାଂକିଗ୍‌ନିଆ ନିମାଣ୍ଟା ତିଂଚେ ଲେଃଆର୍‌କେ ।

୫ ମେଁ ବାଞ୍ଜିର୍ ଦରତନିକେ ତିଗ୍ ଆଆନ୍ତାକ୍‌କେ ଶ୍ଟୁମାତର୍ ମୁଇଂ ଦର୍‌ସାମୁଆଁ ବାସଙ୍ଗ୍‌ଣ୍ଟେ ନୋହକେ ବିନ୍ ଗୁ ରୁଆକେ ରକ୍ୟା ତିଂକେ ।

୬ ଇସ୍‌ପର୍ ସଦୋମ ଆରି ଗମୋରା ଇନି ମ୍ବାକ୍ଲିଗ୍‌କେ ଡଣ୍ଟ ବିଚେ ସୁଆ ଏତେ ଦଂସ ଆଃତିଂକେ ଆରି ଅଦାର୍‌ମିକ୍‌ଇଂନେ ଆଡ଼ାଡ଼ା ମେଃନେ ଗଟେଏ ଆକେନ୍ ମ୍ବାକ୍ଲିଗ୍ ଇନିକେ ଆତେନ୍ ଉଦାଅରନ୍ ରକମ୍ ବକେ ।

୭ ଦଦ୍ୟା କାମ୍ ତିଂମ୍ୟାଆର୍‌କ୍ଲେ ରେମୁଆଁଇଂନେ ଅଦରମ୍ ବେବଆର୍ ନ୍‌ସା ଅପବିତ୍ର ତିଂଲେଃକ୍ଲେ ଦରମ୍ ରେମୁଆଁ ଲୋଟକେ ଇସ୍‌ପର୍ ଆମ୍ବ୍‌କେ ।

୮ ଡିଃଡ଼ିକି ଆତେନ୍ ଦରମ୍ ରେମୁଆଁ ମେଇଂନେ ବିତ୍ରେ ବାସା ଲେଃଚେ ମେଇଂନେ ଅନ୍‌ମ୍ୟାୟ୍ କାମ୍ କେଚେ ଆରି ଆତେନ୍ ସାମୁଆଁ ଅଁଚେଃ କାଲାଆଃ ନିଜର୍ ଦରମ୍ ଜିବନ୍‌ନିଆ କସ୍‌ଟ ବାଆର୍‌କେ ।

୯ ମାପୁ ମ୍ୟାଲେଃକେ, ତିରକମ୍ ଦରମ୍ ରେମୁଆଁଇଂକେ ମେଇଂନେ ପରିକ୍ୟାବାନ୍ ରକ୍ୟା ତିଂନେ ତିଂଏ । ବାରି ଦଦ୍ୟା କାମ୍ ତିଂଣ୍ଟେଇଂକେ,

୧୦ ଡାଗ୍ଲା ମାପ୍‌ରୁନେ ଦିନ୍ ଡଙ୍ଗାରେ ସୁଗୁଆ ପାଂଏ । ଆତାନ୍ କ୍ଲା ମୁଇଂ ଲେଃଗା ଇଲ୍‌ଏଁ ଗର୍ଜେଚେ କିତଂଇନି ତାଂକିଗ୍‌ଝେଏ । କିତଂଇନିନେ ଗ୍ରାଅ ଚାକୁଆଇଂ ମେଃ ମେଃନେ ଗିଃ ଝେଚେ ଦଂସ

ତିଂହେଏ । ଦର୍ତ୍ତନିନେ ମେଃନେ ସାପା ଜିନିସ୍ ବଃଚାଃହେଏ ।

୧୧ ମେଇଂନେ ବାନ୍ ଜାବର୍ ବପୁ ଆରି ଜବର୍ ବପୁକ୍ଲେ ଦୁଡ଼ଇଂ ଡିଗ୍ ଇସ୍ପରନେ ତାଗ୍ରା ଆତେନ୍ ଗୌରବ୍‌ମୟ୍ ଜିବ୍‌ଇଂନେ ନିନ୍ଦା ତିଂଚେ ଆମେଇଂକେ ଦସ୍ ଆତିଂ ଶୁ ।

୧୨ ପେଇଂ ମାପ୍‌ରୁନେ ଦିନ୍ ପାଂ ନସା ପେ ଉର୍ ଲେଃନେ ଦର୍‌କାର୍ । ଆତାନ୍ କାଲା ପାଙ୍ଗାଳା ସୁଆ ଏତେ କିତଂଇନି ତୁର୍‌ମାର୍ ତିଂ ହେଏ ଆରି କିତଂଇନି ଲେଃକ୍ଲେ ସାପା ସିସେବାନ୍ ଲେଃକ୍ଲେ ଜିନିସ୍‌ଇଂ ତାତିରେ ଏଡ଼ିଆ ହେଏ ।

୧୩ ତାଗ୍ଲା ଇସ୍ପର୍ ଆନେକେ ମୁଇଂ ସାମୁଆଁ ବିଃବକେ । ନେ ମୈନେ ବାସଙ୍ଗ୍‌କ୍ଲେ ଅନୁସାରେ ମୁଇଂ ମି କିତଂଇନି ଆରି ମି ଦର୍ତ୍ତନିନେ ଉର୍‌ନେଲେଃକେ । ଆତେନ୍ ଦାମ୍ କ୍‌ଇଂନେ ବାସାନ୍ ଜାଗା ତିଂଏ ।

୧୪ ତେଲାଲେଃ ବୟ୍‌ଇଂ ଏନ୍ ଗର୍‌ନା ଗଚେନେ ନସା ନେ ଉର୍‌ନେଲେଃକେ । ତେସାଃ ପାପ୍ ଆରି ଦସ୍ ମାତିଂନେ ନସା ମାଲେ କଷ୍ଟ୍ ପେଡ଼ିଂଏ । ମାପ୍‌ରୁ ଏତେ ସାନ୍ତିରେ ଲେଃ ନସା ତୁର୍‌ପା ।

୧୫ ମେଇଂ ସିଦା ଗାଲି ଆନ୍ତାର୍‌ଚେ ବିନ୍‌ଗାଲି ହେଲେଃଆର୍‌କେ । ବିଓରେନେ ଉଂତେ ବାଲାମନେ ଗାଲି ମେଇଂ ହେଡ଼ିଂଆର୍‌କେ । ମୈ ଅନ୍ୟାୟ୍ କାମ୍ ତିଂଚେ ତାରୁ ଅର୍ଜେନ୍‌ସା ଆଲାଦ୍ ତିଂକ୍ଲେସାଃ

୧୬ ମାତର୍ ମୈ ନିଜର୍ ପାପ୍ ନସା ବିରଦି ତିଂଲେଃଗେ ରେମୁଆଁ ସକ୍‌ରେ ମୈନେ ଗଦ୍ ସାମୁଆଁ ବାସଙ୍ଗ୍‌ଚେ ବାବବାଦିକେ ମ୍ୟାକ୍ଲେ କାମ୍‌ବାନ୍ ସ୍ଥ ଆଃଡ଼ିଂକେ ।

୧୭ ନିମାଣ୍ଡା ମୈତର୍‌ଇଂ ପେ ଏନ୍ ବିସ୍‌ୟ୍ ସିସେ ମ୍ୟାପେଲେଃକେ । ତେସାଃ ତରକ୍ ଲାଃଲାପା । ଆତାନ୍ ଦଦିଆ ରେମୁଆଁଇଂ ତିଂତିଂକ୍ଲେ ଦଦିଆ କାମ୍ ନସା ପେ ନିଜେକେ ତିଂନେ ଆବିଗ୍‌ପା ନିଜେ ନିମାଣ୍ଡା ବିସ୍‌ବାସ୍‌ରେ ତର୍‌ବର୍ ମାତିଂଚେ ତରକ୍ ଲାଃଲାପା ।

୧୮ ମେଇଂ ଆଂକାର୍‌ରେ ଅର୍ତ୍ତ ମାଲେଃନେ ସାମୁଆଁ ବାସଙ୍ଗ୍‌ଆର୍‌କେ; ଦଦ୍ୟାଣ୍ଡେଇଂନେ ବିତ୍ରେବାନ୍ ରକ୍ୟା ବାଚେ ଆଣ୍ଡେ ଲାଗ୍‌ତମ୍ୟାକ୍ଲେ ରେମୁଆଁଇଂକେ ତାଆଁ ଦଦ୍ୟା କାମ୍‌ନେ ଲାଲ୍‌ସା ଆଃସୁଏଚେ ପାନ୍‌ନ୍ଦିଆ ଲାଗ୍‌ଆର୍‌ଏ ।

୧୯ ଆକ୍‌ମେଇଂକେ ଆତେନ୍ ନାଲେ ବାସଙ୍ଗ୍‌ଣ୍ଡେଇଂ ମୁକ୍ତି ବିଃନ୍‌ସା

ଆଦେସ୍ ବିଷଡ଼ିଆରକେ ଶୁଭ୍ରା ମେଇଁ ନିଜେ ଦଂସ ଆଃଡ଼ିଂଣ୍ଡେ ଦଦ୍ୟା ଅବ୍ୟାସନେ ଚାକର; ତାଗ୍ଲା ରେମୁଆଁ ଆଣ୍ଡିନେ ସାମୁଆଁନେ ଆଲ ଲେଃନେ ମେଁନେ ମେଁ ଚାକର ।

୨୦ ନେଃନେ ମାପୁ ଆରି ଜିସୁ କ୍ରିଷ୍ଟନେବାନ୍ ବୁଦି ବାଚେ ଜାଣ୍ଡେଇଁ ସଂସାରନେ ବିନାସ୍ ଆଃଡ଼ିଂଣ୍ଡେ ବପୁଇଁନେ ବାନ୍ ଉଦାର ବାକ୍ସେ ଇଡ଼ିଁ ବାରମୁଇଁତର ମେଁ ସାପାନେ ଆଲ ଡିଂଏ ମେଇଁନେ ସାରାସାରି ଡଣ୍ଡ ମୁଲ୍ ଡଣ୍ଡବାନ୍ ମାଲେ କସ୍ ଡିଂଏ ।

୨୧ ଦର୍ମଗାଲି ମ୍ୟାଚେ ଆଡ଼ତେ ବିଃକ୍ସେ ପବିତ୍ର ସିକ୍ୟାବାନ୍ ସୁ ଡିଁନେ ବାନ୍ ନିମାଣ୍ଡା ଡିଂଏ ଆଡେନ୍ ଅଃନାଡିଗ୍ ମାମ୍ୟାନେ ମାଲେ ନିମାଣ୍ଡା ପାଡ଼ିଁ ।

୨୨ ଗୁସୁଃ ନିଜେ ଲୁଆରକ୍ସେ ଚୁଚକ୍ ନସା ଆରି ଆଃକୁମାକ୍ସେ ଗୁରୁଗ୍ କାଦନ୍ନିଆ ତାଙ୍ଗବୁର ନସା ବାରି ଆଣ୍ଡେଏ, ଆକେନ୍ ସଡ଼ ସାମୁଆଁ ମେଇଁନେ ତାଗ୍ରା ଗଚେଲେଃକେ ।

୩

ମାପୁନେ ପାଂଡ଼ିଂକ୍ସେ ପରମାନ୍

୧ ମୈତରଇଁ ପେତାଗ୍ରା ଗୁଆରନେ ଏନ୍ ନେଁନେ ମ୍ୟାକ୍ସିଗ୍ ଉଲିଆ । ନେଁ ଆପେକେ ଗୁଗୁଆରଣ୍ଡିଁ । ଆପେକେ ଉଡ଼ିକ୍ସିଗ୍ ବିସୟ୍ ମନେ ପବିତ୍ର ଚିନ୍ତା ଏଡେ ବିଃ ନସା ନେଁ ମ୍ୟାକ୍ସିଗ୍ ଉଲିଆ ଗୁଆରଣ୍ଡିଁକେ ।

୨ ଗ୍ଲୋଏ ଅଃସେ ପବିତ୍ର ବାବବାଦିଇଁ ଆଣ୍ଡିନେ ସାପା ବାବବାଦି ଆଡର୍ସା ବଆର୍ଗେ ଆରି ଉଦାରକର୍ତ୍ତା ମାପୁରୁନେ ଆଣ୍ଡିନେସାପା ସାମୁଆଁ ଆପେକେ ବେକ୍ସେ ସିସଇଁ ବିଃବଆକେ ଆଡେନ୍ ଆପେକେ ମନେ କ୍ଲାଗ୍ ନସା ନେଁନେ ଇକ୍ଚା ।

୩ ସିସେ ପେଇଁ ମ୍ୟାଲେଃନେ ଦରକାର୍ ଜେ ଏନ୍ ଇଡ଼ିଂତାମୁଏଃନେ ଉଡ଼ିକ୍ସିଗ୍ ଚାଃ ନିଜର ଇକ୍ଚାରେ ଦଦିଆ କାମ୍ ଡିଂଚେ ବୁଆଡିକେଃଏ ।

୪ ମେଇଁ ଆପେକେ ଗିନ୍ ଡିଂଚେ ସାଲ୍ୟାଃକୁଆରଏ “ମେଃ ପାଂଏ ତାଗ୍ଚେ ପରମାନ୍ ଡିଂମୁଗେ ଶୁଲେଃ ? ମେଃ ଏକେ ଆଣ୍ଡିତାଗ୍ରା ? ନେନେ ଅଃସେନେ ଆବାଇଁ ଗୁଏଃଲେଆରକେ । ତାଗ୍ଲା ଦର୍ଡନି ଉବ୍ଜେକ୍ସେ ମୁଲେବାନ୍ ଆଣ୍ଡିନେ ଡିରକମ୍ ଲେଃଗେ ଏଃକେ ଶ୍ରିଗ୍ ସାପା ତ ଦେଡ଼ରକମ୍ ଲେଃକେ !”

୫ ମେଇଁ ମ୍ୟାଠରେ ଆବଃବିଆରୁଏ ଜେ ଅଃସେ ଇସ୍ପର୍ ବାସଂବିଃକେ ଆରି କିତଂଇନି ଆରି ଦର୍ତ୍ତନି ଉବ୍ଜେ ଝେଗେ ! ଦର୍ତ୍ତନି ଶ୍ରିଆବାନ୍ ଆରି ଶ୍ରିଆ ନ୍ସା ଦର୍ତ୍ତନିକେ ଉବ୍ଜେକେ;

୬ ଆତାନ୍ ବାଝିର୍ ଦର୍ତ୍ତନି ମେସୁଃଆ ଝେଗୁର୍ ରୁଆଶ୍ରିଆ ଏତେ ରୁଡ଼େ ତିଂଝେଗେ ।

୭ ତାଗ୍ଲା ଏକେ ଆଶ୍ରିନେ କିତଂଇନି ଆରି ଦର୍ତ୍ତନି ଲେଃକେ ଆତାନ୍ ଇସ୍ପର୍ନେ ଅନୁସାରେ ବାସଙ୍ଗ୍ ନ୍ସା ସୁଆତାଗ୍ରା ଦଂସ ତିଂନେ ନ୍ସା ବକେ । ଆଶ୍ରିନେ କାଲା ଅଦର୍ମଶ୍ରେଇଁ ବିଚାର ତିଂଚେ ରୁଡ଼େ ଝେଆରୁଏ ଆତାନ୍ କାଲା ଜାକ ଆତାନ୍ ନିମାଶ୍ରି ତିଂ ଲେଃଏ ।

୮ ମାତର୍ ଅ ମୈତର୍ଇଁ ମୁଇଁ ବିସୟ୍ ଆଆବଃଗେପା । ଇସ୍ପର୍ ନ୍ସା ମେସୁଃଆ ଅଜାର୍ ମୁଆଁ ସୁଗୁଆ ଆରି ଅଜାର୍ ମୁଆଁ ମେସୁଃଆ ସୁଗୁଆ ।

୯ ମାପୁ ମୈନେ ପାରମାନ୍ ପୁରନ୍ ଆଃତିଂନେ ନ୍ସା ଆରାଃତଙ୍ଗାର୍ ଶ୍ରିଜଦି ଉଡ଼ିରୁଆ ଆକେନ୍କେ ତଙ୍ଗାରେ ତାଗ୍ରେ ଏତେ ଆରୁଏ । ଶ୍ରିଲୁ ମାପୁ ପେନେ ଆଡ଼ାତ୍ରା ଜାବର୍ ସାମ୍ଗାଲେ ତିଂକେ । ମୈ ଆରାଏକେ ଶ୍ରିଜେ ଜାଡ଼ିଗ୍ ମୁଇଁତା ତିଗ୍ ବିନାସ୍ ଆତିଂଲେଃ । ସାପାରେ ନିଜର୍ ନିଜର୍ ପାପ୍ବାନ୍ ଆଶ୍ରେଆରୁଏ, ଆକେନ୍ ମୈନେ ଇକ୍ତା ।

୧୦ ତାଗ୍ଲା ମାପରୁନେ ଦିନ୍ ତଙ୍ଗାରେ ସୁଗୁଆ ପାଏ । ଆତାନ୍ କ୍ଲା ମୁଇଁ ଲେଃଗା ଲେଃଏ ଗର୍ଜେଚେ କିତଂଇନି ତାଂକିଗ୍ଝେଏ । କିତଂଇନିନେ ଗୁଅ ଚାଙ୍ଗୁଆଇଁ ମେଃ ମେଃନେ ଗିଃ ଝେଚେ ଦଂସ ତିଂଝେଏ । ଦର୍ତ୍ତନିନେ ମେଃନେ ସାପା ଜିନିସ୍ ବଃଗାଃଝେଏ ।

୧୧ ନେଁ ମ୍ବାସଙ୍ଗ୍କେ ସୁଗୁଆ ତେକ୍ତରକମ୍ ସାପା ରୁଡ଼େ ଝେଏ । ତେଲାଲେଃ ପେଇଁ ତିରକମ୍ ରେମୁଆଁ ତିଂନେ ଦର୍କାର୍ ? ପେଇଁ ପବିତ୍ର ରୁଆତିକେଃଚେ ଇସ୍ପର୍ନେ ସେବା ତିଂନେ ଦର୍କାର୍ ।

୧୨ ପେଇଁ ମାପରୁନେ ଦିନ୍ ପାଁ ନ୍ସା ପେ ଉର୍ ଲେଃନେ ଦର୍କାର୍ । ଆତାନ୍ କାଲା ପାଙ୍ଗା ସୁଆ ଏତେ କିତଂଇନି ତୁର୍ମାର୍ ତିଂ ଝେଏ ଆରି କିତଂଇନି ଲେଃକ୍ସେ ସାପା ସିସେବାନ୍ ଲେଃକ୍ସେ ଜିନିସ୍ଇଁ ତାତିରେ ଏଡ଼ିଆ ଝେଏ ।

୧୩ ତାଗ୍ଲା କିତଂ ଆନେକେ ମୁଇଂ ସାମୁଆଁ ବିଷବକେ । ନେ ମେଠନେ ବାସଙ୍ଗକ୍ସେ ଅନୁସାରେ ମୁଇଂ ମି କିତଂଇନି ଆରି ମି ଦର୍ଡନିନେ ଉର୍ନେଲେଃକେ । ଆଡେନ୍ ଦାମ୍ କିକ୍‌କ୍‌ନେ ବାସାନେ ଜାଗା ତିଂଏ ।

୧୪ ତେସାଃ ଅ ମୈତରଇଂ ଏନ୍ ଗଟ୍‌ନା ଗଟେନେ ନ୍‌ସା ନେ ଉର୍ନେଲେଃକେ । ତେସାଃ ପାପ୍ ଆରି ଦସ୍ ମାଡିଂନେ ନ୍‌ସା ମାଲେ କଷ୍ଟ ପେଡିଂଏ । କିତଂ ଏଡେ ସାନ୍ତିରେ ଲେଃ ନ୍‌ସା ହୁରପା ।

୧୫ ମାପରୁ ତାଟ୍‌ଲେଃକେ ତାଗ୍‌ରେ ନେ ଉଦାର୍ ନେବାକେ ଏନ୍ ମନେ ବପା । କିତଂନେ ବାଲେଃକ୍ସେ ବୁଦିନେ ବପୁରେ ନେନେ ନିଜର୍ ବୟା ପାଉଲ୍ ଆପେକେ ଗୁଆର୍ନେ ବେଲା ମେଠ ଆତାନ୍ ସାମୁଆଁ ବାସଂବଗେ ।

୧୬ ନିଜର୍ନେ ସାପା ଉଲିଆଃଇଂ ତାଗ୍‌ ପାଉଲ୍ ଏନ୍ ସାମୁଆଁ ଗୁଆର୍‌ମ୍ୟାକେ । ଅଃନା ଅଃନା ପାଉଲ୍‌ନେ ଉଲିଆଃତାଗ୍‌ ଉଡିଲ୍‌ଗ୍ ସାମୁଆଁ ବୁଜେ ନ୍‌ସା କଷ୍ଟ ତିଂମ୍ୟାକେ । ଉଡିରୁଆ ଆତାନ୍ ସାମୁଆଁଇଂକେ ଦଦିଆ ବାବ୍‌ରେ ପଡେମ୍ୟାଆକେ । ମେଇଂ ମୁରକ ଆରି ବିସ୍‌ବାସ୍‌ରେ ଦୁର୍ବଲ୍ । ଆତାନ୍ ରେମୁଆଁଇଂ ବିନ୍ ସାସ୍ତ୍ରକେ ଶ୍ରିଗ୍ ଦଦିଆ ବୁଜେ ମ୍ୟାଃଆକେ । ତାଗ୍‌ ଡେକ୍‌ରକମ୍ ତିଂନ୍‌ସା ମେଇଂ ନିଜେ ବୁଡେ ତିଂଆକେ ।

୧୭ ନିମାଣ୍ଡା ମୈତରଇଂ ପେ ଏନ୍ ବିସ୍‌ୟ୍ ସିସେ ମ୍ୟାପେଲେଃକେ । ତେସାଃ ତରକ୍ ଲାଃଲାପା । ଆତାନ୍ ଦଦିଆ ରେମୁଆଁଇଂ ତିଂତିଂକ୍ସେ ଦଦିଆ କାମ୍ ନ୍‌ସା ପେ ନିଜେକେ ତିଂନେ ଆବିଗ୍‌ପା ନିଜେ ନିମାଣ୍ଡା ବିସ୍‌ବାସ୍‌ରେ ତରବର୍ ମାଡିଂରେ ତରକ୍ ଲାଃଲାପା ।

୧୮ ତାଗ୍‌ ନେନେ ମାପରୁ ଆରି ଆମ୍‌ଣ୍ଡେ ଜିସୁ କିସ୍‌ଟନେ ବୁଦି ଆରି ଆସିର୍ବାଦ୍‌ରେ ମ୍‌ଃପା । ମେଠନେ ମଇମା ଏକେ ଆରି କାଲାଆଃ ନେଃଲେପା । ଦନ୍‌ସାଦ୍ ।

ସତ୍ ଗାଲି
The New Testament in the Gata' language of India: ସତ୍
ଗାଲି (Bible)

copyright © 2020 The Word for the World International

Language: Didayi (Gata')

Contributor: The Word for the World International

ସତ୍ ଗାଲି
ଯୀଶୁ ମାତ୍ତୁନେ ନି ନିଅମ୍, 2020

The Gata Didayi Testament Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-09

PDF generated using Haiola and XeLaTeX on 18 Mar 2025 from source files dated 9 Apr 2023

cd536811-9eb4-56d5-9546-afaca24c958c